



Universitätsbibliothek Paderborn

**Dissertatio Triplex Theologica, Ad Mentem Præclarissimi
Ecclesiæ D. S. P. Avgvstini, (Cui consonat Doctor
Angelicus cum Melliflvo,)**

Schweitzer, Johannes

Coloniæ Agrippinæ, Anno M.DC.LXXXII.

Responsio. Primi homines in statu innocentia comederunt & biberunt
secundùm Augustinum.

urn:nbn:de:hbz:466:1-39320


DUBIUM TERTIVM.

An primi homines in statu innocentia comedent & biberint?

Respondeo, & dico: *primi homines in statu innocentia comederunt & biberunt secundum Augustinum, probatur ex l. 13. de Civit: cap. 20. ubi ait: quæ licet morituri non essent, nisi peccassent, alimentis tamen, ut homines utebantur, nondum spiritualia, sed adhuc animalia corpora terrena gestantes. Quæ licet senio non vetera sacerent, ut necessitate perducerentur ad mortem: tamen & alios sumebant cibos præter unam arborrem, quæ fuerat interdicta, alebantur ergo alijs, quæ sumebant, ne animalia corpora molestia aliquid esuriendo, aut sitiendo sentirent. & l. 14. cap. 26. cibis aderat, ne esuriet: potus, ne sitiret, & l. 1. retract. c. 13. quia etiam pristina stabilitas corporis, quam peccando amisimus, habebat tantam felicitatem, ut in defectum non vergeret senectutu. Huic ergo pristina stabilitati restituetur hoc corpus resurrectione mortuorum: Sed habebit amplius, ut nec alimentis corporalibus sustentetur, & l. 2. de pec. merit. cap. 21. redde intelliguntur ante malignam diaboli persuasionem abstinuisse cibo verito, atque usi concessus & præcipue ligno vita.*

Obijcies: si primi homines comedent & biberint in statu innocentiae: fuit in illis famæ & sitis, sed

hoc dici nequit; ergo non comedenter neque biberunt probatur minor, quia fames & sitis habent adjunctam molestiam & miseriā, ut experientia constat. Respondeo distinguendo majorem: fuit in illis fames & sitis, id est, appetitus comedendi & bibendi ad restaurandum, quod perditum erat per pugnam qualitatum, & inordinatus, qualis in nobis est, nego: id est, appetitus naturalis comedendi & bibendi ad præveniendum judicio rectæ rationis, ne aliquid perdetur, concedo majorem, & distincta similiter minori nego consequentiam. Fames enim & sitis posteriori modo acceptæ non habent adjunctam molestiam, neque sunt poena peccati.



DVBIVM QVARTVM.

An primus homo fuisset mortuus, si non peccasset?

Arbitrati fuerunt olim quidam, ut refert S. Augustinus l. 6. de Gen. ad lit: cap. 22. primum hominem mortem corporis peccato non meruisse, sed propter corpus animale illum exiturum fuisse de hoc corpore ad requiem, quam nunc habent sancti; & idem docuerunt Pelagiani.

Respondeo & dico: primus homo secundum Augustinum, si non peccasset, non fuisset moriturus. probatur